



AD DN. PAVLVM HAEPNERVM  
RESPONDENTEM.

*Paulus Haepnerus Prudnicanus Silesius*

*ἀναχαμ.*

*Si vincas vsu prudens, spei plena laurus.*

**S**I fors miraris veterum deliria, PAVLE,  
Et phœbi & nostri delicias animi,  
Corpore cedentes animas in corpora quando  
Aemula Platonis turba, redire putat;  
Progeniem AEsclepî iurârim sidere lapsam  
In vos & patriæ lumina magna tuæ:  
Tot dedit illa viros, Momi sine murmure, magnos,  
Quos laudet Latium & Græcia; laudet Arabs;  
Bucretos & Acidalios, magnosq; CRATONES  
Cuiq; ferent palmam secula, IESSENIUM.  
Quorum spontè bonos tibi virtus excitat ausus,  
Arte machaoniâ potus, vt incaleas,  
Vt duce LIDDELIO Musarum prælia misceas  
LIDDELIO, quo nil Iulia maius habet.  
Perge, nec hanc pugnam despera; affectat olympum  
Hæc via: PAVLE tui nominis omen ait:  
SI VINCAS VSV PRVDENS tot monstra laborum,  
PLENA SPEI, moriar, ni tibi LAVRVS erit.

*εὐφιλίας ἕνεκα F.*

*Iohannes Husanus Thuringus  
M. Studiosus.*

AD